



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԼՈՌՈՒ ՄԱՐԶՊԵՏ

Ո Ր Ո Շ ՈՒ Մ

18 մարտի 2022թ. թիվ 137-Ա

ԼՈՌՈՒ ՄԱՐԶՈՒՄ ԲՆԱԿՉՈՒԹՅԱՆ ՏԱՐԱՀԱՆՄԱՆ ՀԱՆՁՆԱԺՈՂՈՎ
ՍՏԵՂԾԵԼՈՒ ԵՎ ՀՀ ԼՈՌՈՒ ՄԱՐԶՊԵՏԻ 2013 ԹՎԱԿԱՆԻ ՕԳՈՍՏՈՍԻ
30-Ի ԹԻՎ 149-Ա ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածի 1-ին մասով, Հայաստանի Հանրապետության կառավարության 2011 թվականի օգոստոսի 18-ի «Վտանգավոր տարածքից բնակչության տարահանման կարգը հաստատելու մասին» թիվ 1180-Ն որոշման հավելվածի 33-րդ կետի 3-րդ ենթակետով, արտակարգ իրավիճակների և ռազմական դրության ժամանակ նախապես բնակչության, նյութական և մշակութային արժեքների տարահանման պլանավորման, նախապատրաստման և անցկացման ապահովման նպատակով՝

Ո ր ո շ ու մ եմ.

1. Ստեղծել Լոռու մարզի բնակչության տարահանման հանձնաժողով՝ համաձայն հավելված 1-ի:

2. Հաստատել Լոռու մարզի բնակչության տարահանման հանձնաժողովի կանոնադրությունը՝ համաձայն հավելված 2-ի:

3. Լոռու մարզի բնակչության տարահանման հանձնաժողովի կազմում ստեղծել աշխատանքային խմբեր՝ համաձայն հավելված 3-ի:

4. Հանձնաժողովին՝

Համագործակելով Լոռու մարզային փրկարար վարչության հետ՝ մեկամսյա ժամկետում կազմել «Լոռու մարզում բնակչության տարահանման պլանը» և ներկայացնել ՀՀ Լոռու մարզպետի հաստատմանը:

5. Առաջարկել մարզի համայնքների ղեկավարներին՝

Համայնքների վարչական տարածքներում ստեղծել՝

1) Տարահանման հանձնաժողովներ.

2) Տարահանման (ընդունման) հավաքակալաններ.

3) Ժամանակավոր տեղակայման կետեր.


4) Երկարատև բնակչության կետեր:

6. Սույն որոշման կատարման կազմակերպումն ու պատասխանատվությունը դնել Լոռու մարզի բնակչության տարահանման հանձնաժողովի նախագահի վրա:

7. Ուժը կորցրած ճանաչել ՀՀ Լոռու մարզպետի 2013 թվականի օգոստոսի 30-ի «Լոռու մարզում տարահանման հանձնաժողով ստեղծելու մասին» թիվ 149-Ա որոշումը:

ՀՀ ԼՈՐՈՒԻ ՄԱՐԶՊԵՏ

18/03/2022

X 

ԱՐԱՄ ԽԱՉԱՏՐՅԱՆ

Ա.ԽԱՉԱՏՐՅԱՆ

2022թ. մարտի 18
ք.Վանաձոր

Կ Ա Ջ Մ

ԼՈՌՈՒ ՄԱՐԶԻ ԲՆԱԿՉՈՒԹՅԱՆ ՏԱՐԱՀԱՆՄԱՆ ՀԱՆՁՆԱԺՈՂՈՎԻ

- Գոռ Ասրյան - հանձնաժողովի նախագահ, ՀՀ Լոռու մարզպետի տեղակալ
Մհեր Խեչումյան - հանձնաժողովի նախագահի տեղակալ, մարզպետարանի ՏԻ և
ՀԳՄ հարցերով վարչության պետ
Հայաստան Տեր-Պողոսյան - հանձնաժողովի քարտուղար, մարզպետարանի քաղաքաշինու-
թյան վարչության ճարտարապետաշինարարական բաժնի
ավագ մասնագետ
Հանձնաժողովի անդամներ.
Վարդան Հովհաննիսյան - մարզպետարանի ՏԻ և ՀԳՄ հարցերով վարչության ՀԳՄՏՍ
գործունեության համակարգման բաժնի պետ
Արամ Գրիգորյան - մարզպետարանի կրթության, մշակույթի և սպորտի վարչության
պետ
Ռուզաննա Պողոսյան - մարզպետարանի առողջապահության և սոցիալական
ապահովության վարչության պետ
Լևոն Հախինյան - մարզպետարանի քաղաքաշինության վարչության
ճարտարապետաշինարարական բաժնի պետ
Վահրամ Ղարսայան - մարզպետարանի քաղաքաշինության վարչության տրանսպորտի
և ճանապարհաշինության բաժնի պետ
Նունիկ Ասրյան - մարզպետարանի ֆինանսական և սոցիալ-տնտեսական զար-
գացման վարչության ֆինանսատնտեսագիտական բաժնի պետ
Սամվել Խառատյան - մարզպետարանի գյուղատնտեսության և բնապահպանության
վարչության բնապահպանության բաժնի գլխավոր մասնագետ
Անդրանիկ Մխոյան - «Հայաստանի էլեկտրական ցանցեր» ՓԲԸ-ի «Դեբեդ» մասնաճյուղի
«Վանաձոր» ցանցի անվտանգության տեխնիկայի ճարտարագետ
Արշակ Սարուխանյան - ՀՀ ոստիկանության Լոռու մարզային վարչության ծառայության
խմբի ավագ տեսուչ

ՀՀ ԼՈՌՈՒ ՄԱՐԶՊԵՏԱՐԱՆԻ
ԳԼԽԱՎՈՐ ՔԱՐՏՈՒՂԱՐ

18/03/2022

X 

ԿԱՄՈ ԱՇՐԱՖՅԱՆ

Կ.ԱՇՐԱՖՅԱՆ

ԿԱՆՈՆԱԴՐՈՒԹՅՈՒՆ

ԼՈՐՈՒ ՄԱՐԶԻ ԲՆԱԿՉՈՒԹՅԱՆ ՏԱՐԱՀԱՆՄԱՆ ՀԱՆՁՆԱԺՈՂՈՎԻ

I. ԸՆԴՀԱՆՈՒՐ ԴՐՈՒՅԹՆԵՐ

1. ՀՀ Լոռու մարզի բնակչության տարահանման հանձնաժողովի (այսուհետ՝ Հանձնաժողով) մասին կանոնադրությունը սահմանում է մարզի տարահանման հանձնաժողովի ստեղծման կարգը, կազմը և հիմնական խնդիրները խաղաղ պայմաններում, ԱԻ ծագման դեպքում և ռազմական դրության ժամանակ:

2. Հանձնաժողովը ստեղծվում է ՀՀ Լոռու մարզպետի որոշմամբ, որպես մշտական գործող տարահանման մարմին՝ բնակչության, նյութական և մշակութային արժեքների անվտանգ տարածքներ տարահանման միջոցառումների նախօրոք պլանավորման, տարահանման մարմինների ստեղծման ու նախապատրաստման և տարահանման միջոցառումների անցկացման ու բազմակողմանի ապահովման նպատակով:

3. Հանձնաժողովի գործունեության ընդհանուր ղեկավարումը իրականացնում է մարզպետը: Հանձնաժողովի անմիջական ղեկավարումը դրվում է մարզպետի տեղակալի՝ տարահանման հանձնաժողովի նախագահի վրա:

4. Հանձնաժողովն աշխատում է ՀՀ արտակարգ իրավիճակների հանձնաժողովի հետ համագործակցությամբ, որն իրականացնում է նրա գործունեության կազմակերպա-մեթոդական ապահովումը:

5. Հանձնաժողովն իր գործունեության ընթացքում ղեկավարվում է «Քաղաքացիական պաշտպանության մասին» և «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքներով, Հայաստանի Հանրապետության կառավարության որոշումներով, այլ նորմատիվ իրավական ակտերով և սույն Կանոնադրությամբ:

II. ՀԱՆՁՆԱԺՈՂՈՎԻ ՀԻՄՆԱԿԱՆ ԽՆԴԻՐՆԵՐԸ

6. Խաղաղ ժամանակ՝

1) Հայաստանի Հանրապետության ԱԽՆ ՓԾ ԼՄՓՎ-ի հետ համատեղ ռազմական դրության ժամանակ և ԱԻ ծագման ու սպառնալիքի դեպքում բնակչության տարահանման պլանի մշակում և տարին մեկ անգամ ճշգրտում,

2) մարզի տարահանման մարմինների ստեղծման, համալրման և նախապատրաստման վերահսկողություն,

3) անվտանգ գոտում տարահանվող բնակչության, նյութական և մշակութային արժեքների տեղաբաշխման վայրերի ընտրում,

4) մարզի տարահանման պլանների, ինչպես նաև տարահանվող բնակչության անվտանգ գոտում ընդունման և տեղաբաշխման, առաջնահերթ կենսաապահովման պլանների մշակման ընթացքի վերահսկողություն,

5) մասնակցություն տարահանման մարմինների տարահանման միջոցառումների անցկացման պատրաստականության ստուգմանը: Նիստերի պարբերաբար անցկացում ստուգման արդյունքների վերլուծման համար,

6) զինվորական հրամանատարության հետ փոխհամագործակցության կազմակերպումը՝ տարահանման միջոցառումների պլանավորման, ապահովման և անցկացման հարցերով,

7) մասնակցություն քաղաքացիական պաշտպանության և արտակարգ իրավիճակներում բնակչության պաշտպանության հարցերով ուսումնավարժություններին՝ մշակված տարահանման փաստաթղթերի իրականության ստուգման և տարահանման միջոցառումների կազմակերպման և անցկացման հարցերով գործնական հմտությունների ձեռքբերման նպատակով,

8) բնակչության, նյութական և մշակութային արժեքների անվտանգ գոտում ընդունման և տեղաբաշխման նախապատրաստման վերահսկողություն, տարահանման փաստաթղթերի մշակում և հաշվառում:

7. ՔՊ համակարգը խաղաղից ռազմական դրության փոխադրելու դեպքում՝

1) կառավարման, կապի և ազդարարման համակարգերի պատրաստականության բերման, ինչպես նաև տարահանման մարմինների ծավալման վերահսկողություն,

2) տարահանվող բնակչության թվաքանակի և կարգի ճշգրտում, տարահանման պլանների, տարահանման բոլոր տեսակների ապահովման իրականացման և կարգի ճշգրտում,

3) բժշկական հաստատությունների, նյութական և մշակութային արժեքների անվտանգ գոտի դուրս բերման նախապատրաստման վերահսկողություն,

4) վտանգավոր գոտուց, ինչպես նաև տարահանման միջանկյալ կետերից բնակչության դուրս բերման և անվտանգ վայրերում տեղաբաշխման համար հատկացված տրանսպորտային միջոցների նախապատրաստման վերահսկողություն,

5) առկա պաշտպանական կառույցների պատրաստականության բերման վերահսկողություն,

6) տարահանման հանձնաժողովի հետ անվտանգ գոտում ընդունման, տեղաբաշխման և բնակչության առաջնահերթ կենսաապահովման պլանների ճշգրտում:

8. Տարահանման անցկացման կարգադրություն ստանալիս՝

1) տարահանման մարմինների կողմից ժամանակին ազդարարման, հավաքի և տարահանված բնակչությանը անվտանգ վայրեր տեղափոխելու աշխատանքների վերահսկողություն,

2) տարահանման միջոցառումների բազմակողմանի ապահովման, ընդունման, բաշխման և անվտանգ գոտում տարահանված բնակչության առաջնահերթ կենսաապահովման աշխատանքների կազմակերպում և վերահսկողություն,

3) հարևան մարզերի հետ փոխգործողությունների կազմակերպում՝ նրանց տարածքներում տարահանված բնակչության ընդունման և բաշխման հարցերով,

4) տարահանման միջոցառումների անցկացման և ապահովման համար տարահանման մարմիններին անհրաժեշտ օգնության ցուցաբերում,

5) տարահանման պլանի կատարման, տարահանման պլանի ճշգրտման ուղղությամբ առաջարկությունների մշակման վերահսկողություն,

6) բնակչության, նյութական և մշակութային արժեքների տարահանման մասին տվյալների հավաք և ամփոփում, դրա մասին զեկուցում վերադասին:

9. Խաղաղ ժամանակ բնական և տեխնածին բնույթի ԱԻ ծագման սպառնալիքի դեպքում՝

1) տարահանվող բնակչության ընդունման և տեղաբաշխման պլանավորում,

2) կապի և ազդարարման համակարգերի պատրաստության ստուգում,

3) տարահանման ենթակա բնակչության թվաքանակի ճշտում,

4) տարահանման մարմինների ծավալման պատրաստության բերում,

5) տարահանման միջոցառումների ապահովման համար տրանսպորտի պատրաստության վերահսկողություն,

6) առկա պաշտպանական կառույցների պատրաստության վերահսկողություն,

7) անվտանգ վայրերում, ժամանակավոր տեղակայման կետերում տեղաբաշխման վայրերի պատրաստության հսկողություն:

10. Տարահանման անցկացման կարգադրություն ստանալիս՝

1) տարահանման միջոցառումների անցկացման ընթացքում կառավարման և կապի կազմակերպում,

2) տրանսպորտային ապահովման կազմակերպում,

3) չափաբաժնական (дозиметрический) հսկողության, բնակչության սանիտարական մշակման, տեխնիկայի և հագուստի հատուկ մշակման (անհրաժեշտության դեպքում) կազմակերպում,

4) տարահանվող բնակչության ընդունման, հաշվառման և տեղաբաշխման վայրեր տեղափոխման կազմակերպում,

5) բնակչության առաջնահերթ կենսաապահովման կազմակերպում:

III. ՀԱՆՁՆԱԺՈՂՈՎԻ ԻՐԱՎՈՒՆՔՆԵՐԸ

11. Հանձնաժողովն իրավունք ունի՝

1) Իր իրավասությունների շրջանակներում ընդունելու որոշումներ, որոնք ենթակա են պարտադիր կատարման կազմակերպությունների, հաստատությունների և ձեռնարկությունների համար՝ կապված տարահանման միջոցառումների անցկացման պլանավորման և բազմակողմանի նախապատրաստման հետ:

2) Հարցում անել պետական կառավարման տարածքային և տեղական ինքնակառավարման մարմիններից, կազմակերպություններից, հաստատություններից անհրաժեշտ տվյալների մասին՝ բնակչության, նյութական և մշակութային արժեքների տարահանման հարցերի ուսումնասիրման և որոշումների ընդունման համար:

3) Տարահանման միջոցառումների ապահովման հարցերով ունկնդրել պետական կառավարման տարածքային և տեղական ինքնակառավարման մարմինների, կազմակերպությունների, հաստատությունների պաշտոնատար անձանց, սահմանված կարգով անցկացնել խորհրդակցություն տարահանման մարմինների ներկայացուցիչների հետ:

4) Տարահանման մարմինների գործունեության վրա սահմանել հսկողություն տարահանման միջոցառումների անցկացման պլանավորման և բազմակողմանի նախապատրաստման կազմակերպման հարցերով՝ Հայաստանի Հանրապետության արտակարգ իրավիճակների նախարարության մասնագետների ներգրավմամբ:

IV. ՀԱՆՁՆԱԺՈՂՈՎԻ ԿԱԶՄԱԿԵՐՊԱԿԱՆ ԿԱՌՈՒՑՎԱԾՔԸ

12. Հանձնաժողովի կազմակերպական կառուցվածքում ընդգրկվում են՝

1) տարահանման հանձնաժողովի ղեկավարությունը,

2) վտանգավոր տարածքից բնակչության դուրս բերման հաշվառման խումբը,

3) անվտանգ տարածքում բնակչության տեղաբաշխման հաշվառման խումբը,

4) տրանսպորտային ապահովման խումբը,

5) հիվանդանոցի անձնակազմի և հիվանդների անվտանգ դուրս բերման հաշվառման խումբը,

6) սննդամթերքի և նյութական արժեքների պաշարների հաշվառման խումբը:

13. Հանձնաժողովի կազմում նշանակվում են պետական կառավարման տարածքային և տեղական ինքնակառավարման մարմինների, տարահանման միջոցառումների ապահովմանը

մասնակցող կապ ապահովող կազմակերպության, տնտեսության օբյեկտների պաշտոնատար անձինք՝ բացառությամբ զորահավաքային կարգադրագիր ունեցող անձանց:

V. ՀԱՆՁՆԱԺՈՂՈՎԻ ԱՇԽԱՏԱՆՔԱՅԻՆ ԿԱՐԳԸ

14. Հանձնաժողովի նախագահը կրում է անձնական պատասխանատվություն խաղաղ ժամանակ, արտակարգ իրավիճակների ծագման դեպքում և ռազմական դրության ժամանակ տարահանման հանձնաժողովի վրա դրված խնդիրների կատարման համար:

15. Հանձնաժողովի աշխատանքն իրականացվում է տարեկան աշխատանքային պլանով: Հանձնաժողովի աշխատանքային պլանը մշակվում է Հանձնաժողովի քարտուղարի կողմից՝ համագործակցելով Հայաստանի Հանրապետության արտակարգ իրավիճակների նախարարության փրկարար ծառայության մարզային փրկարարական վարչության (այսուհետ՝ ՄՓՎ) հետ, և հաստատվում է Հանձնաժողովի նախագահի կողմից:

16. Հանձնաժողովի որոշումները ձևակերպվում են Հանձնաժողովի արձանագրություններով և ստորագրվում Հանձնաժողովի նախագահի և քարտուղարի կողմից:

17. Հանձնաժողովի նիստերն անցկացվում են առնվազն եռամսյակը մեկ անգամ՝ Հանձնաժողովի նախագահի ղեկավարությամբ: Հանձնաժողովի նիստերը և արձանագրությունների նախագծերը պատրաստում է Հանձնաժողովի աշխատանքային խումբը:

18. Հանձնաժողովի առանձին պլանային և արտապլանային նիստերը կարող է անցկացնել Հանձնաժողովի նախագահի տեղակալը՝ Հանձնաժողովի նախագահի հանձնարարությամբ:

19. Հանձնաժողովի անդամների աշխատատեղեր (հավաքի հաստատված վայրեր) ժամանելու համար սահմանվում են հետևյալ ժամկետները.

1) աշխատանքային ժամին՝ 30 րոպե,

2) ոչ աշխատանքային ժամին՝ 1 ժամ 30 րոպե (ծմեռային ժամանակ՝ 2 ժամ):

ՀՀ ԼՈՌՈՒ ՄԱՐԶՊԵՏԱՐԱՆԻ
ԳԼԽԱՎՈՐ ՔԱՐՏՈՒՂԱՐ

18/03/2022

X 

ԿԱՄՈ ԱՇՐԱՖՅԱՆ

Կ.ԱՇՐԱՖՅԱՆ

Կ Ա Ջ Մ Ե Ր
ԼՈՐՈՒ ՄԱՐԶԻ ԲՆԱԿՉՈՒԹՅԱՆ ՏԱՐԱՀԱՆՄԱՆ ՀԱՆՁՆԱԺՈՂՈՎԻ
ԱՇԽԱՏԱՆՔԱՅԻՆ ԽՄԲԵՐԻ

1. Վտանգավոր տարածքից բնակչության դուրս բերման հաշվառման խումբ.

- Գարիկ Տոնոյան - խմբի ղեկավար, Լոռու մարզպետարանի կրթության, մշակույթի և սպորտի վարչության կրթության բաժնի պետ
- Խմբի անդամներ.
- Արամ Ռևազյան - մարզպետարանի կրթության, մշակույթի և սպորտի վարչության մշակույթի և սպորտի բաժնի պետ
- Աշոտ Պապանյան - մարզպետարանի կրթության, մշակույթի և սպորտի վարչության կրթության բաժնի գլխավոր մասնագետ
- Լիանա Բաբայան - մարզպետարանի կրթության, մշակույթի և սպորտի վարչության կրթության բաժնի ավագ մասնագետ
- Ռուբեն Մխիթարյան - մարզպետարանի կրթության, մշակույթի և սպորտի վարչության մշակույթի և սպորտի բաժնի ավագ մասնագետ

2. Անվտանգ գոտում բնակչության տեղաբաշխման հաշվառման խումբ.

- Էդգար Հախվերդյան - խմբի ղեկավար, մարզպետարանի հողաշինության և հողօգտագործման բաժնի պետ
- Խմբի անդամներ.
- Նազար Մանուկյան - մարզպետարանի հողաշինության և հողօգտագործման բաժնի ավագ մասնագետ
- Սամվել Մարկոսյան - մարզպետարանի հողաշինության և հողօգտագործման բաժնի ավագ մասնագետ
- Դավիթ Ստեփանյան - մարզպետարանի հողաշինության և հողօգտագործման բաժնի ավագ մասնագետ

3. Հիվանդանոցի անձնակազմի և հիվանդների անվտանգ դուրս բերման հաշվառման խումբ.

- Լուսինե Վարդանյան - խմբի ղեկավար, մարզպետարանի առողջապահության և սոցիալական ապահովության վարչության առողջապահության բաժնի պետ
- Խմբի անդամներ.
- Գոհար Ղևոնդյան - մարզպետարանի առողջապահության և սոցիալական ապահովության վարչության առողջապահության բաժնի գլխավոր մասնագետ
- Ադրինե Թաիրյան - մարզպետարանի առողջապահության և սոցիալական ապահովության վարչության առողջապահության բաժնի ավագ մասնագետ
- Չինարե Աբրահամյան - մարզպետարանի առողջապահության և սոցիալական ապահովության վարչության առողջապահության բաժնի ավագ մասնագետ

4. Տրանսպորտային ապահովման խումբ.

Վահրամ Դանիելյան - խմբի ղեկավար, մարզպետարանի քաղաքաշինության վարչության տրանսպորտի և ճանապարհաշինության բաժնի ավագ մասնագետ
խմբի անդամներ.

Արմեն Շահվերդյան - մարզպետարանի ՏԻ և ՀԳՄ հարցերով վարչության ՏԻ և համայնքային ծառայության հարցերի բաժնի ավագ մասնագետ

Տաթևիկ Ավետյան - մարզպետարանի ՏԻ և ՀԳՄ հարցերով վարչության ՀԳՄՏՍ գործունեության համակարգման բաժնի ավագ մասնագետ

5. Սննդամթերքի և նյութական արժեքների պաշարների հաշվառման խումբ.

Հասմիկ Մկրտչյան - խմբի ղեկավար, մարզպետարանի զարգացման ծրագրերի, զբոսաշրջության և վերլուծության բաժնի պետ
խմբի անդամներ.

Անի Բաղդասարյան - մարզպետարանի զարգացման ծրագրերի, զբոսաշրջության և վերլուծության բաժնի գլխավոր մասնագետ

Անի Մալոյան - մարզպետարանի զարգացման ծրագրերի, զբոսաշրջության և վերլուծության բաժնի ավագ մասնագետ

ՀՀ ԼՈՐԻՒ ՄԱՐԶՊԵՏԱՐԱՆԻ
ԳԼԽԱՎՈՐ ՔԱՐՏՈՒՂԱՐ

18/03/2022

X 

ԿԱՄՈ ԱՇՐԱՖՅԱՆ

Կ.ԱՇՐԱՖՅԱՆ